

**Դիտողություններ եւ առաջարկություններ «Տեսալսողական մեդիայի մասին» օրենքում
լրացում կատարելու մասին» օրենքի նախագծի (այսուհետ նաեւ՝ Նախագիծ) վերաբերյալ**

1. Նախագծի հիմնավորումը նույնացնում է սինթետիկ բովանդակությունը եւ «deepfake»-ը, այնինչ ինչպես իրականում, այնպես էլ ըստ Նախագծում սինթետիկ բովանդակության հասկացության՝ սինթետիկ բովանդակությունն ավելի լայն է, քան «deepfake»-ը, իսկ «deepfake»-ը սինթետիկ բովանդակության ավելի նեղ՝ մասնավոր դրսեւորում է:

2. Ըստ Նախագծի՝ սինթետիկ բովանդակությունը ոչ միայն ԱԲ գործիքներով փոփոխված/գեներացված, այլ նաեւ առանց ԱԲ գործիքների ավտոմատացված ծրագրային այլ միջոցներով փոփոխված/գեներացված բովանդակությունն է, այնինչ Նախագիծը պահանջում է նման բովանդակությունը պարտադիր մակնշել որպես ԱԲ-ի կողմից գեներացված/ստեղծված: Ստացվում է, որ առանց ԱԲ գործիքների ավտոմատացված ծրագրային այլ միջոցներով ստեղծված բովանդակությունը պետք է մակնշվի որպես ԱԲ կողմից ստեղծված, ինչը չի համապատասխանի իրականությանը:

3. Նախագծում սինթետիկ բովանդակության հասկացությունը չափազանց լայն է, եւ չի բխում Նախագծի հիմնավորմամբ բարձրացված խնդրից: Մասնավորապես, ըստ Նախագծի՝ սինթետիկ բովանդակություն է ցանկացած նյութ, որն ամբողջությամբ կամ մասնակիորեն ստեղծվել, գեներացվել, ձևափոխվել կամ վերարտադրվել է արհեստական բանականության կամ ավտոմատացված ծրագրային այլ միջոցով՝ անկախ նրանից նման նյութն իր էությամբ մոլորեցնող է, թե՛ ոչ (մոլորեցնող լինելու չափանիշը նախատեսված է միայն թվային մշակմամբ ձևափոխված բովանդակության համար): Ստացվում է, որ այն նյութը, որը ԱԲ կամ այլ միջոցով միայն թեթեւ խմբագրվել է (օրինակ, առանց բովանդակությունը փոփոխելու նյութը մշակվել է միայն տեխնիկապես (ասենք, սրբագրվել է տեքստը կամ ավելացվել են ենթագրեր կամ շտկվել են գույները կամ մաքրվել է ձայնը եւ այլն)), նույն կարգավորմանն է ենթարկվելու, ինչ ամբողջությամբ գեներացված բովանդակությունը եւ ենթակա է լինելու մակնշման: Սա խնդրահարույց է այնքանով, որքանով նման պարագայում գրեթե բոլոր նյութերը ենթակա կլինեն մակնշման, ըստ այդմ Նախագծող առաջարկվող կարգավորումը կդառնա անհամաչափ կամ անիրագործելի:

4. Թվային մշակմամբ ձևափոխված բովանդակության դեպքում անձին մոլորեցնող լինելու չափանիշը չափազանց լայն ու անորոշ է ձևակերպված: Մասնավորապես նշվում է, որ սինթետիկ բովանդակություն է թվային մշակմամբ այնպես ձևափոխված նյութը, որը «(...) կարող է անձի մոտ ստեղծել իրականության հետ անհամապատասխան ընկալում (...)»:
Սակայն պարզ չէ, թե ինչ անձի մասին է խոսքը՝ օրինակ, կամայական^ո սպառողի, միջի^ո սպառողի, թե^ո տեղեկացված սպառողի: Պարզ չէ նաեւ, թե ի^ոնչ է նշանակում «կարող է

ստեղծել»՝ կարող է սուբյեկտիվորեն՝ ստեղծել, թե՞ օբյեկտիվորեն ստեղծել: Պարզ չէ նաև, թե մոլորեցման ի՞նչ հետեւանքի մասին է խոսքը (էականորեն՝ է արդյոք անհամապատասխան ընկալումը, այդ թվում՝ առնչվում՞ է արդյոք մարդու իրավունքներին, պարտականություններին կամ պատասխանատվությանը եւ այլն): Ըստ այդմ պարզ չէ, թե տեսալսողական մեդիաձառայություն մատուցողն ի՞նչ չափանիշներով է գնահատելու անձի մոտ իրականության հետ անհամապատասխան ընկալում ստեղծելու հավանականությունը: Նման պայմաններում Նախագծի այս ձեւակերպումը չափազանց լայն է ու անորոշ՝ տարաբնույթ մեկնաբանությունների, տարընթերցումների տեղիք տվող է, կարող է կիրառվել գրեթե բոլոր դեպքերում եւ կամայականորեն:

5. Նախագիծը սահմանում է, որ մակնշման պարտականությունը չի տարածվում ֆանտաստիկ, գեղարվեստական, հումորային կամ մշակութային բնույթի բովանդակության վրա, բացառությամբ այն դեպքերի, երբ այն կարող է օգտագործվել ապատեղեկատվության նպատակով: Այս բացառությունը նույնպես չափազանց անորոշ է այնքանով, որքանով ցանկացած ֆանտաստիկ, գեղարվեստական, հումորային կամ մշակութային բնույթի նյութ տեսականորեն կարող է կիրառվել որեւէ իրավիճակում որեւէ տեսակի ապատեղեկատվության նպատակով («որեւէ տեսակի ապատեղեկատվություն» ասելով նկատի ունեմ, օրինակ՝ արդյոք սա ներառու՞մ է այլոց կողմից նման նյութը մարդկանց մոլորեցնելու դիտավորությամբ օգտագործումը (disinformation), թե՞ նաև առանց դիտավորության մարդկանց մոլորեցնելու (misinformation) հավանականությունը, եւ այլ): Ըստ այդմ պարզ չէ, թե տեսալսողական մեդիաձառայություն մատուցողն ի՞նչ չափանիշներով է գնահատելու նյութն ապատեղեկատվության նպատակով օգտագործելու հավանականությունը:

6. Նախագծով առաջարկվող կարգավորումն առաջին հայացքից կարող է կիրառելի լինել տեսալսողական մեդիաձառայություն մատուցողի կողմից արտադրված/պատվիրված նյութերի դեպքում: Սակայն պարզ չէ, թե ինչպե՞ս է տեսալսողական մեդիաձառայություն մատուցողը պարզելու արդյոք իր կողմից չարտադրված/չպատվիրված, սակայն ծրագրում առկա նյութը ԱԲ կամ ոչ ԱԲ այլ գործիքով մշակվա՞ծ է, թե՞ ոչ, եթե այո, ապա ի՞նչ ծավալով եւ այլն: Արդյո՞ք պետք է գնահատվի հեռարձակվող բոլոր նյութերի՝ ԱԲ կամ ոչ ԱԲ գործիքով մշակված լինելը: Ի՞նչ է լինելու այն դեպքերում երբ տեխնիկապես հնարավոր չլինի պարզել՝ արդյոք բովանդակությունը գեներացված է ԱԲ միջոցով:

7. Նախագծով առաջարկվող կարգավորումը որոշակիորեն հակասում է վերաբերելի միջազգային լավագույն փորձին: Օրինակ, ԵՄ Արհեստական բանականության ակտը (EU AI Act) կարգավորում է ոչ թե ընդհանուր սինթետիկ բովանդակությունը, այլ հենց մոլորեցնող սինթետիկ բովանդակությունը (deepfake, տես՝ 3-րդ հոդվածի 60-րդ մաս),

մակնշման/բացահայտման պահանջը նույնպես վերաբերում է ոչ թե ընդհանուր սինթետիկ բովանդակությանը, այլ հենց մոլորեցնող սինթետիկ բովանդակությունը (deepfake, տես՝ 50-րդ հոդվածի 4-րդ մաս): Նույն ԵՄ Արհեստական բանականության ակտը մակնշման/բացահայտման պարտականություն սահմանում է ԱԲ միջոցով մոլորեցնող բովանդակություն ստեղծողների/փոփոխողների, այն է՝ ԱԲ կիրառողների (deployers) վրա, այլ ոչ թե հրապարակող/վերահրապարակողների վրա (տես՝ նախաբանի 134-րդ պարագրաֆ):

Առաջարկում ենք Նախագիծը խմբագրել, այդ թվում՝

- Նախագծի հիմնավորմանը համահունչ՝ սահմանել ոչ թե «սինթետիկ բովանդակության», այլ «մոլորեցնող սինթետիկ բովանդակության» հասկացությունը,
- լուծել սինթետիկ բովանդակության լայն (ԱԲ + ոչ ԱԲ) հասկացության եւ նեղ (միայն ԱԲ) մակնշման հակասությունը,
- մակնշման պահանջը սահմանել միայն մոլորեցնող սինթետիկ բովանդակության համար, միաժամանակ մոլորեցնող սինթետիկ բովանդակության շրջանակում ներառել միայն միջին սպառողին ողջամտորեն մոլորեցնելու ռիսկ ունեցող բովանդակությունը,
- նախատեսել նյութը մոլորեցնող սինթետիկ բովանդակություն համարելու որոշակի ուղենիշներ-չափանիշներ,
- նախատեսել նյութը ապատեղեկատվության համար օգտագործելի համարելու որոշակի ուղենիշներ-չափանիշներ,
- տարանջատել տեսալսողական մեդիածառայություն մատուցողի կողմից արտադրված/պատվիրված vs. տեսալսողական մեդիածառայություն մատուցողի կողմից չարտադրված/չպատվիրված նյութերը,
- Նախագիծը համապատասխանեցնել վերաբերելի միջազգային լրավագույն փորձին: